


(Vol. 2434)



587550

|

Mag. St. Dr.



# LIBER

## CAPITULUM

Quem Reprobaverunt Ædificantes  
hic factus est in Caput Anguli,  
a Domino factum est istud.

*Et est mirabile in oculis nostris,  
Hæc est Dies quam fecit Dominus:  
exultemus, & lætemur in ea.*

per

AUGUSTINUM NABOROWSKI

EDITUS.



CRACOVIAE.

1793.

✓

# PROTESTATIO AUTHORIS:

**E**go Augustinus quondam in Ju-  
 daismo natus, ac educatus, tantum  
 in Literis profeci ut Rabbi, (quod  
 interpretatur Magister in Lege)  
 aliorum Judæorum extiterim, publi-  
 ceq; in Synagogis, ac Gymnasiis An-  
 nis 10. Alumnis meis Sensum Sacræ  
 Scripturæ, ac Oracula Prophe-  
 tarum explanaverim. Et ut Zela-  
 tor Fidei meæ, ac Paternarum Tra-  
 ditionum viderer, errores Talmud  
 plenos blasphemiarum in Christum, &  
 Ejus Religionem Animis audientiu-  
 um inculcabam. Nunc autem rena-  
 tus ex Aqua & Spiritu Sancto, ac  
 veræ fidei Lumine illustratus, Sa-  
 naq; doctrina, imbutus, purgatus  
 ab omni errore, & ab omni inquina-  
 mento mundatus juxta illud Ezechie-  
 lis Prophetæ: Effundam super vos A-  
 quam mundam, & mundabimini &c:  
 Dabo vobis Cor novum, & Spiri-  
 tum novum ponam in medio vestris,  
 & faciam, ut in præceptis meis am-  
 buletis Cap: 36. versu 26. Sero Fi-

dem

Bibl Jug

St. dt. 1977 St. 2. 866 (184)



dem, adventus veri Messiae Christi  
JESU, ac gloriam Passionis Ejus  
divulgare, ac defendere contra per-  
fidios Judæos & obcæcatos proposui.  
Obsecro Te tantum Christe JE-  
SU, ut mihi concedere digneris,  
tam longum vitæ spatium donec  
opus per Te inceptum, quod luci  
publicæ edere cogito. Sat magnum  
& arduum perficiam. Nunc autem  
non lucri, aut humanæ laudis gra-  
tiâ, sed ad Nominis Tui gloriam  
promovendam. Opellam hanc par-  
vam per me conscriptam, quam  
Tibi offero benigne suscipe.

Ego Augustinus in Fide Roma-  
no-Catholica Institutus, in hac vixi,  
in hac moriar, testorque: si forte  
in extremo agone, contrarium mihi  
excidat, illud me jam nunc indi-  
cūm, irritumq; velle — Ut lumen  
hoc oculos illuminat corporis, sic  
credo Dominum JESUM illuminare  
omnem hominem venientem in hunc  
mundum: quia Ipse Lumen verum  
& æternum est. O JESU Christe,  
dictum est de Te per os Isaïæ Pro-

Cap. 28. v. 16. Ecce ego mittam  
in Fundamentis Sion Lapidem, La-  
pidem probatum, angularem, præ-  
tiosum, in Fundamento fundatum,  
qui crediderit non confundatur &  
non festinet.

Et ponam in pondere Judici-  
um, & Justitiam in mensura, &c: Et  
delebitur fœdus vestrum cum mor-  
te, & pactum vestrum cum Inferno,  
non stabit: flagellum inundans cum  
transierit, eritis ei in conculcatio-  
nem &c:

Ideo Bone JESU in Quem  
Credo, & in Quo spero, & Quem  
Amo, per Sacratissimum Caput Tu-  
um pungentibus spinis obsitum, per  
Crucem prætioso rubentem San-  
guine, per aperti Lateris hiantia vul-  
nera, denique per acerbissimam  
tuam mortem Te oro: me agonizan-  
tem respice, & hinc abeuntem in Re-  
gnum Tuum admitte.

Summe Deus: credo, & spero  
in Te, amo Tequo super omnia.  
O JESU, O JESU! JESU! esto  
mihi JESUS memento mei & salva  
me. (amo te.)



Suspiria ad Christum Crucifixum Væ mihi! quis dabit Capiti meo aquam & oculis meis fontem lacrymarum, & plorabo die ac nocte. & flebo, in jejuniis & afflictione Animæ meæ, & cinerem tanquam panem manducabo, & potum meum cum fletu miscuam, per amaritudinem tuam, JESU Christe quam sustinuisti in Cruce, maximè quando benedicta Anima Tua de corpore egrediebatur. Idcirco ego plorans & oculus meus deducens aquas Et dicam væ mihi qui peccavi.

Ah! JESU! Fili Dei Vivi propter me hominem Homo factus es memoro tristitiam Tuam quam in Anima Tua habuisti, quando in ultima Cæna Discipulis Tuis Corpus & Sangvinem tuum tradidisti Pedes eorum lavisti. Et dulciter eos osculando imminentem Passionem prædixisti væ mihi qui peccavi.

O JESU Potentissime memoro qui a Juda Discipulo Tuo tradebaris & a falsis testibus accusabaris Veste propria exuebaris & Vestibus  
alie

alienis induebaris colaphizabaris.  
Oculis & Facie velabaris, Alapis  
cædebaris. Spinis coronabaris. A-  
renuadine in Capite feriebaris, &  
innumerabilibus alijs calumnijs la-  
cerabaris.

Ah! JESU Fortissime scriptum  
est de Te Isaïæ Cap. 53. Non est  
Species Ei, neque decor: & vidi-  
mus Eum & non erat aspectus & de-  
sideravimus eum Despectum & novis-  
simum virorum, Idcirco, qui au-  
divi Sacratissimæ Passionis Tuæ,  
multamq; ignominiam, innumeros do-  
lores sudores & angores, ac mor-  
tem & hoc tulisti pro me peccatore.  
ideo, clamo in sermone meo &  
dicam væ mihi qui peccavi.

Ah! JESU Per editissime sin-  
gulæ plagæ Tuæ in Corde meo  
grandem vocem habent. O JESU  
Gloriosissime — o! quanta Spes, O  
JESU mirificè quanta fiducia re-  
posita est mihi in Morte Tua &  
Sanguine Tuo. O JESU Christe  
Jucundissime, timor & terror venit  
super me & operuit me magnus tre-  
mor, propter Passionem Tuam, Cor-



Cor meum dolet in medio mei, & terrores mortis ceciderunt super me Et dixi Quis dabit mihi alas sicut columbæ? avolarem & requiescerem: Ecce elongarem fugam, commorarer in deserto — Deducam quasi torrentem lacrymas meas, per diem & noctem non dabo mihi requiem neque tacebit pupilla oculi mei. Ah! JESU Christe cibasti Tu me pane lacrymarum, & propinasti mihi lacrymas in mensura.

O Pie JESU memoro Sangvinem Tuum pro me effusum, Dolorem Tuum quem pro me sustinisti Coronatus Spinis Crucem Tuam quem pro me tullisti. Amarissimam Mortem Tuam quem pro me confixus clavis obivisti. Ideo quemadmodum cerva clamat, ad torrentes aquarum, ita anima mea clamat ad Te JESU.

O JESU Carissime sitivit Anima mea ad Te JESUM Filium Dei Vivi, & dicam O JESU Dulcissime, quando veniam & apparebo coram Te.

Da

Da o JESU: aliquando vide-  
am illam Tuam Faciem a me, &  
pro me velatam, perculsam, &  
consputam, non per Speculum in  
ænigmate sed facie ad Faciem.

O JESU Clarissime, qui lava-  
sti pedes illius qui Te vendidit,  
osculavit & perdidit, sanasti auri-  
culam ejus qui Te capit, qui Te  
cum Juramento negat percuti & non  
percutere, accusari, & silere flagel-  
lari, & pati, crucifigi, & pro crucifi-  
xoris orare: denique omnibus &  
semper benefacere, agnosco Tuam  
naturam, & ideo plus spero Tua  
Clementia.

O Benigne JESU, ego qui-  
dem peccavi cum Juda, tradens  
Sangvinem Justum, nunc tamen  
pœnitens suspiro: Sangvis Tuus sit  
super in salutem Animæ meæ.

O JESU stetisti nudus ad Co-  
lumnæ: ut operieris nostram nu-  
ditatem: Stetisti vinctus: ut vin-  
cula nostra dirumperes, expectasti  
& excepisti flagella: ut a nobis aver-  
teres flagella iracundiæ, Tanta Mi-  
sericordia, Tanta Pietas, Tanta Cha-  
ritas Redemptoris.



O JESU Te sub Spinea Corona adoro, Regem cordis mei, confige in me sacratissimis hisce Spinis: quidquid a Te alienum est. Confige cor meum: ut Amoris Tui jaculô vulneratum perennaturis subinde rosis coronari mereatur. Detestor o mi JESU! perversum meum Judicium: quod Barabbæ (rebus nempe ludicris & transitorijs) postposui, Te & supplico: ut me non respuas, cujus Saluti vitam Tuam postposuisti.

O mi JESU! duc me ad conspectum Patris, ut Te quondam Pilatus duxit ad conspectum Populi, & pro me perora dicendo Ecce Homo pro quo ego Filius Tuus factus sum homo.

O JESU mi! iniquissimè a Judæis condemnate, coram Te ingemisco: tam quam reus culpa rubet vultus meus, supplicanti parce JESU Passus es Te, ô mi JESU! iniquè condemnari, ut Tui condemnatio mei esset defensio: absolvē me in districto illô Judicio.

Ecce

Ecce curvatus sum, o JESU  
usq; in terram, ut suscipiam Cru-  
cem Tuam quam mihi in his morbi  
doloribus detulisti: Ecce extensas  
manus: ut eam accipiam: inclinatos  
humeros: ut portem portabo eam usq;  
in finem: ut salvus sim: Vivam fe-  
rens Crucem moriar amplectens Cru-  
cem: nec prius dimittam Crucem:  
quam in manus Tuas emittam Spi-  
ritum meum.

Sic, ô JESU! me hominem de  
terra terrenum crucifige: ut Tecum  
confixus Cruci Tecum sim Confors  
Regni. O JESU! Tu qui mei causa  
medius perpendisti inter Latrones,  
mihi pœnitenti (dum Judex medius in-  
ter hædos & oves) inter oves locum  
præsta, & ab hædis me sequestra.

Commenda me o JESU! ut quon-  
dam Joannem Matri Tuæ: Mulier ec-  
ce Filius Tuus, quia ego servus & fi-  
lius Ancillæ Tuæ saluum fac filium  
Ancillæ Tuæ. Quando ab omnibus  
derelictus tradam Spiritum meum o  
JESU! recordare quia Tibi derelictus  
est pauper, ne derelinquas me, ideo  
enim



enim Te Pater Tuus in Cruce derelinquit: ne me pauperem derelinquas, respice & miserere mei: quia unicus: & pauper sum ego. Inspira cordi meo ô JESU! Spiritum, quem moriens in Cruce emisisti: ut vivam ego: non jam ego: vivas vero in me Christe.

Per tuum Cor transverberatum te oro Amantissime JESU, ut in Latere Tuo abscondas me donec transeat furor Tuus.

Sanguine Tuo medere mihi Domine, & c ra vulneribus Tuis vulnera mea.

Sine Te: mi JESU! nulla est securitas, nulla voluptas, sine Te, nulla felicitas nisi in Te non est in mundo qui me consoletur, non est usq; ad unum præter Te.

Pone inter Justitiam Tuam, & peccatricem animam meam, cum ad Tribunal Tuum venerit, Sacratissimæ Passionis !Tuæ pretium.

Jam Sanguis Tuus Domine non quærit ultionem: Sanguis Tuus lavat crimina, peccata condonat. Lava animam meam, quam Tua Imagine signasti, munda corpus, quod redemisti.

O JE-

O JESU! Amor: & desiderium  
meum extingue in corde meo affectum  
terrenorum, Tuiq; Amoris ignem in  
me accende.

Sauicia ô Bone JESU interiora  
Animæ meæ memoria vuloerum Tuo-  
rum, inscribe, atq; imprime illa cor-  
di meo, & mentem meam. Sangvine  
Tuo prorsus inebria, ut Tibi soli in-  
tendam.

JESUS Crucifixus sit in mente  
mea (signetur frons) JESUS Cruci-  
fixus sit in ore meo (signetur Os)  
JESUS Crucifixus sit in corde, &  
opere meo (signetur pectus).

O Amor Crucis Domini mei JE-  
SU Christi fac mihi gratiam, ut Te  
inveniam in corde meo.

O Deus! ego amo Te, nec  
amo Te ut salves me, aut quia non  
amantes Te, æterno punis igne, Tu  
Tu mi JESU! totum me amplexus es  
in Cruce, nec præmij illius spe sed si-  
cut Tu, amasti me sic amo & amabo  
Te, solum: quia Rex meus es, & so-  
lum quia Deus es.

Aspice Pie Pater, Piissimum Fi-  
lium



lium pro me tam impia passum, vide  
pie Pater Redemptoris supplicium  
& Redempti dimitte delictum.

Respice quæso Domine, super  
hanc animam meam, pro qua Do-  
minus noster JESUS Christus non  
dubitavit manibus tradi nocentium,  
& Crucis subire tormentum. O Pater  
Vox Sangvinis Fratris nostri pro no-  
bis effusi clamat ad Te de Terra,  
Audi Pater vocem Sangvinis Filij  
Tui, pro me perorantis.

O JESU Clarius Sole, Pulchrior  
Luna, Splendidior Stellis quomodo  
obscuratum est aurum, mutatus est  
Color optimus Tuus. Quomodo de-  
nigrata est super Carbones Facies  
Tua non est cognita, adhesit Lingva  
Tua ad palatum insiti — O JESUS  
Salus nostra vera, Tu in Cruce pen-  
dens, sitiisti Salutem Generis humani  
dicens sitio, illi autem Judæi dede-  
runt Tibi in escam fel, & insiti Tuo  
potaverunt Te aceto, & cum acce-  
pisses Acetum, dixisti Consumma-  
tum est, & inclinatio Capite æterno  
Patri

Patri Spiritum tradisti, exclamans voce magna Pater in manus Tuas commendo Spiritum meum, (qui est homo, qui non fleret;) O JESU Christe! memores dolorum Tuorum, quos sustinebat pro me Bone JESU per Sanctissimam Mortem Tuam, da mihi bonam mortem. Mane JESU in me, ego in Te, ut vivam propter Te, in me imò nec ego vivam sed Tu in me.

O JESU! Custos hominum non discedas a me ego inveni JESU Te, quem diligit anima mea, & nec dimittam Te JESU usque in æternum.

Vide, vide pie Pater Redemptoris supplicium & Redempti dimitte delictum *S. Aug.*

O JESU! Rogo Te, Amor qui semper ardes & nunquam exstingveris Charitas Deus meus accende me *S. Aug.*

Amores cum Gratia Tua mihi dones, & dives sum satis *S. Aug.*

Amem Te Deus, mihi plusquam Angeli: & Beati, plusquam Seraphini & Cherubini *S. Aug.*



Omnes ament JESU Te amore  
omni possibili Sanctorum Tuorum,  
utinam totus inflammas redigar amo-  
re Tui S. Aug.

Amo Te Deus magis, atq; ma-  
gis amare Te desidero S. Aug: Se-  
ro Te amavi pulchritudo, tam anti-  
qua pulchritudo, tam nova, sero Te  
amavi S. Aug. Oro Te, cognoscam  
Te, amem Te, ut gaudeam de Te,  
Domine tu scis quia amo Te, S. Aug.  
Inflamma o Domine amorem meum  
& fac cor meum in Te, ceu in uni-  
co amoris mei centro conquiescere.  
S. Aug.

Quis mihi dabit requiescere in  
Te quis mihi dabit ut venias in cor  
meum & enebries illud, ut obli-  
scar mala mea, & Unum Bonum me-  
um amplectar Te S. Aug.

O quantum, a nobis miseris es  
amandus, quos sic amasti, salvasti,  
sublemasti, S. Aug.

Ego sum, qui peccavi, sed ta-  
men spero: quia de Te dictum est,  
hic peccatores recipit Luc. Cap. 15.

Respi-

Respice me, non venisti vocare  
iustos, sed peccatores *Marc. Cap. 2.*

Voca me, Tu venisti in hunc  
mundum peccatores Salvos facere,  
quorum ego primus sum, Salva me  
*Timot. Cap. 1.*


Suscipe JESU! me Crucifixe,  
inter amorosa illa brachia, quæ pro  
me in Cruce extensa video & am-  
plector & fac me, videra Faciem  
Tuam.


O JESU infinite amabilis, di-  
ctum est de te, esurivi, & dedistis mi-  
hi; manducare, sitivi & dedistis mihi  
bibere, nudus, & cooperuistis me. &c.  
& discipulis tuis, respondisti, quam-  
diu fecisti, uni ex his fratribus meis,  
minimis mihi fecistis, & ibunt hi in  
supplicium æternum, iusti autem in  
vitam æternam. JESU rogo te hos ama-  
tores meos qui dant panes mihi esu-  
rienti, Jesu in die mala liberabis eos,  
& vivificabis illos & erunt sicut, fons  
aquarum, cujus non deficiet aquæ  
Amen.

---

*Matheum Cap. 25. v. 35.*







Sp. 13400